

գլխաւորաց ազգին, որք 'ի նեղութեան տրամակից էին, և թախանձանօք խնդրէին լսել լուր ինչ աւետեաց: Ահաւասիկ թարգմանութիւն հրովարտակին տուեալ Հայոց:

Ուղղեալ առ Կոստական Դամասկոսի՝ առ Դատաւորն Երուսաղէմի, առ գլխաւոր կրօնապետս տաճկաց, և առ ամենայն պաշտօնեայս Տէրութեան: Ի հասանիլ Կայսերական հրովարտակիս գիտութիւն լիցի՝ բարեյիշատակ նախնին իմ Սուլթան Սէլիմ առաջին, 'ի տիրել իւրում Երուսաղէմի տուեալ է Կայսերական հրովարտակ ազգին Հայոց 'ի թուին Հիճրէթի ԶԿԿ, վասն ուխտի տաճարին Ս. Յարութեան, որ ունի օրինակ զայս:

Օգնութեամբ բարձրելոյն Աստուծոյ և առաքելոյ նորին՝ 'ի ԿՕ Սէֆէր ամսոյ յերուսաղէմ 'ի տունն Աստուծոյ եկեալ՝ յաղթանակաւ մտաք 'ի քաղաքն. Սարգիս Պատրիարքն Հայոց առեալ ընդ իւր զրոլոր միաբանս եկն 'ի հնազանդութիւն եւ 'ի հպատակութիւն ինձ՝ աղաչանօք խնդրեաց զնորհս և զպարգևս իմ. տիրել Պատրիարքացն Հայոց ըստ վաղեմի դաշնադրութեան իւրեանց՝ եկեղեցեաց վանօրէից և այլ ուխտատեղեաց թէ 'ի ներքս և թէ յարտաքս, որպէս տիրեալ և ժառանգեալ են 'ի վաղ ժամանակաց: Եւ ըստ տրամադրութեան դաշնադրոյն մեծին Օմարայ և 'ի ժամանակէ Մէլիք Սալահատտինի տուեալ հրովարտակաց, տիրել և ժառանգել այսոցիկ տեղեաց, որք են՝ 'ի տաճարին Ս. Յարութեան, 'ի Բեթղէհէմ Ս. յրն և դուռն հիւսիսային, մեծ եկեղեցին Ս. Յակոբայ, Սուրբ Հրեշտակապետ, Ս. Փրկիչ, Նապլուս: Եւ եկեղեցոյ նոցին հետեւողք և համազգայինք, Հապէչք, Գալթիք՝ և Ասորիք, տիրել և ժառանգել Պատրիարքացն Հայոց, որք նստին 'ի վանս Ս. Յակոբայ՝ և չլինիլ երբէք ձեռնամուխ յօտարաց: Ուստի ետու զայս Կայսերական երջանիկ նըշանս եւ հրամայեցի առնել ըստ զօրութեան սորին, զի Պատրիարքունք Հայոց որք նստին 'ի մեծ վանքն Սուրբ Յակոբայ, տիրեսցեն և ժառանգեսցեն ըստ օրինաց իւրեանց թէ 'ի ներքս և թէ յարտաքս եկեղեցեաց, վանօրէից և այլ ուխտատեղեաց, հետեակ և համազգայնոց իւրեանց, որք են Հապէչք, Գալթիք և Ասորիք: Եւ մի ոք յօտարաց հակառակեսցի 'ի սնօրիննէն զգործս նոցին կար-